



226553  
45776732  
= 5



Inches  
Centimetres  
**TIFFEN** Color Control Patches  
© The Tiffen Company, 2007

黃岡縣志卷之五

學校志

宮牆泮水煥然具備於兵燹之餘而羽籥笙鏞春秋肇祀善  
哉興學之法良而造士之道得也况此邦稱才藪彙筆就郡  
縣試者將四千人星使持衡克翹其秀又得賢師儒獎勵之  
士靜而文何遽不如蘇端明所云乎

廟學

文廟在清淮門內

面一字門


正殿五楹露臺下拜臺兩廊東西庫兩

廡各五楹戟門三楹門前左右為更衣處又前為泮池池有  
垣左右有門又前為櫺星門又前甬壁有左右門其儒學儀  
門後為明倫堂正殿後為

知黃岡縣事合



肥戴國言編輯



崇聖祠戟門外左為名宦祠右為鄉賢祠明倫堂左為忠義孝弟

祠廟右垣外為節孝祠廟左垣外為儒學儀門內左為福神

祠考宋時廟學建在故南城外其後修葺無考元末兵燹明

洪武元年知縣萬士安移治城內縣治東南高原即東坡故

居也正統二年知府錢敏修李時勉記云學校之興有資於

仁之在襄邑皆以能興學校崇教化致民俗不變故聲譽顯

於當時名聞昭於後世有不可及也蓋學校風化之源三綱

五常之道由是而明詩書禮樂之教由是而行風俗由是而

變人才由是而出古昔治效之盛非後世所及者由此道也

洪惟我太祖高皇帝自即位以來輒詔天下郡縣皆立學詔

師弟子員付之守令以程督之藩臬二司考察其勤惰而勸

懲之賢能文學之士往往出於其間自公卿大夫至於州縣

之選常不乏人是亦興學校之效也比年以來儒學之士多

以記誦文詞為業而不務實學者蓋由有司者每以簿書期

會為急視學校若不干己者雖廟舍頽毀教化廢弛略不加

之意故為師者怠於教為弟子者怠於學雖朝廷專設憲臣

以督理之未能或之變也吁豈漸染之深未可以朝夕革與

是殆不然憲臣之巡歷有時而守令之臨蒞無間苟一加之

意焉則無不可者在鼓舞而作興者何如耳黃岡黃州之附

郭邑也地濱大江舊有學規制卑隘且歲久頽圯太守錢公

至周覽慨歎首捐己俸欲擴而大之於是縣正僚佐邑人富

室爭出錢幣以相助者甚眾乃庀材僦工誦吉興作自一新

成殿以至明倫堂池臺門廡師生講誦之所齋宿之舍一新

理之至於神厨倉庫庖湏之處莫不備具壯麗宏偉數倍於

坦夷廉靜而不阿居民而成此大功其孰能之公之為人端厚

之在大理獄以不冤今為黃州環千里之民無不歸心焉又

能以其餘力一新郡縣之學暇則與諸生講論經史課其所

業而獎勵之莫不翕然向於學文翁范純仁不得專美於前

矣孔子曰身修而後家齊家齊而後國治此大學之道也若

郡縣博士樂得賢太守以蒙其作興之惠又樂得英才以盡

何其幸哉其東西隅皆抵民居屢遭延燬宏治九年僉事

張彬擴修正德十年知府余貴知縣胡潔始遷建今所規制

大備朱節重遷儒學記黃岡縣舊有儒學在城隍廟之西南

歲辛未巡按東吳王公洩黃既謁廟首舉遷學之議詢諸眾

謂附清淮門軍器局東廢地寬衍可夷而宮之也值流賊倡

廢物力有不足以舉贏者適董學赤城蔡公按黃進屬吏師  
生而語之曰茲學當遷其無疑第更新則時絀葺舊則徒費  
何施而可邑令豐城胡君潔毅然任之曰維茲首政風化攸  
繫曷敢以難辭縣治宜且後遂謀於郡守西蜀余公貴貳守  
廣陵王君相通判山陽牛君璠勳門毛君應時曰學宮既得  
厥址請如三公之命諷日舉事公復暨諸僚指而度之謂  
允隅尚存民居且舊無稽古閣易增創之而地轄於武弁家  
乃買臨皋驛舊址倍與其值而廣之於是兌隅既備坤維亦  
正而櫺星集賢門稽古閣各有厥址其地工費尹悉任之一  
出公帑之餘不以勞民命工成事集材於市伐石於山以陶  
以度百藝畢舉始事於大成殿前為戟門各五楹又其前  
中為櫺星門左為集賢門各三楹殿之左右為兩廡各五楹  
殿之後為明倫堂堂之左右為兩齋各五楹又附堂小廳各  
三楹為退講之所又其後稽古閣五楹閣之左右為諸生號  
房各十楹閣之西為饜堂三楹戟門之前有洋池旁以石甃  
之為半壁形中以石梁之為正道而西號之外有隙地為射  
圃凡禮典所宜靡不飾備工以數計者七千有奇鈔以繕計  
者千二百有奇地縱為丈五十有九廣視縱滅四之三址視  
舊增五之二規模宏敞煥然一新於時教諭應君鵬紳以清  
修博學式宏化基訓導周君盛端雅詳慎克殫奚斯之勞劉  
君紀適至觀茲盛舉謂不可無紀乃確石率諸生而請紀之  
予謂胡尹一事之舉而三善咸集緩於修邑而先於學校公  
也始事訖功役不逾年敏也雖當置縮舉難而進勇也予因  
是而有感焉勇為達德之一凡天下之事舉頽植仆固莫先

乎勇而士所以造聖成功匪勇焉攸賴今天下士弊弊焉繪  
藻於詞章科第之間以為文人能事至語聖賢大學之道則  
或自諉以為吾質百不若人而閒知自立者亦悠悠歲月遂  
巡莫前是皆不知勇之過也吾夫子有見於天下後世之流  
弊必底此無疑也肆以一人已百釋達德之勇而歸其美於  
於安妥而當遷習為陋襲也予因遷學之有成而深自慙於  
向往之不勇恐卒病於安常而襲陋也故併述之以為同志  
告厥後知縣簡霄修王霽嘉靖閒知縣孫棠修四十二年教

諭張性魯建

啟聖宮在明倫堂後萬曆三年知府潘允哲知縣羅應鶴重修擴

地得井即俗所傳東坡暗井也三十四年知縣茅瑞徵以學

宮明倫堂圯率教諭辜良偉主簿金可礪重修地縱五十九

丈廣四十四丈餘視舊增五之二舊學碑載西以古井火巷

賣地東抵舊北城外有岡橫互形家謂為一字文星故城門

以一字名城上有東樓閣為縣學巽峯又為一縣華表明末

悉燬於兵

國朝順治初知縣高自訓楊日昇復建十年加修章成賢記缺十六年知縣楊鍾秀建大成門十八年知縣徐籀建

啟聖祠康熙十一年知縣董元俊修葺十五年知縣李經政建櫺

星門二十一年知府蘇良嗣釐定垣界與學道蔣永修及合

學士子集貲修殿廡建明倫堂知縣汪灝董其役二十九年

知縣錢顧琛勸修四十六年知縣黃極重建

啟聖祠始建教諭署於明倫堂後訓導署建堂側五十九年知縣

鍾葦倡捐修丹墀以石並建名宦鄉賢兩祠種柏數百株建

赫門於右雍正元年改

啟聖祠為

崇聖祠七年知縣樊大元以守道趙洪恩檄復赫門於左十三年

知縣暢于熊勸修磚石圍牆未竣罷去乾隆七年知縣舒成

龍續成十一年教諭徐成淵建學署二重二十一年知縣劉

煜教諭聶朝勳訓導王世任倡醵巨資擴建劉煜記國家造

養士之法亦備設立學宮俾隸名於斯者咸就甄陶以培休

明之本典綦重也官其土者有訓率士子之責則士子肄業

之地自宜悉心經理庶泮水芹藻無遺憾焉况先師靈爽

實式憑之詎容苟且荒略因陋就簡其何以蒼羣材而振文

教耶楚北人文素稱剛邑為最在昔先賢文行歷歷可稽

國朝尤為蒸蔚劉克猷先生才掇大魁曹木欣先生望重儒

林其他鉅公名士佐文明而揚風雅者指不勝屈更且科名

之盛或一門而蟬聯奕世或一榜而璧合多人又皆品行純

粹事業彪炳無非由學校養之有素擴之裕如洵哉學宮有

關乎士風非淺鮮也顧向邑學宮建自有宋明季燬於兵燹

我朝自富平楊公粗立規模嗣經各任逐次增修而文星  
舊制尚未悉臻美備乃闕歲既久復多圯廢亦有文心教者  
之所深感也歲乙亥予自遠安調繁茲士下車即肅謁文  
廟觀其簡陋不勝慨然竊惟教化涵濡百度俱舉而文治尤  
為首重雖守土小臣固宜仰體高厚隨事振興以圖涓埃  
報稱矧於根本之地漫不加意耶每思廢者興之陋者新之  
輒以力絀未能此衷恆耿耿弗釋也丙子秋簿書稍暇節省  
俸餘急圖修葺顧鞅掌弗遑何能親理工力爰諮紳士輩籌

其相度經營之方聞予言咸各懽欣鼓舞謂百年來官長有  
志而未逮士民籌度而中輟者一旦力圖更新洵非細故也  
鳩庀之任誰不踴躍從事耶且各量力捐已贊共襄勝舉於  
是擇吉興工首先大成繼及兩廡並各祠宇暨門路垣墉  
次第葺理煥然聿新一時聚園橋而仰首者咸謂猶是廟貌  
今昔頓殊數仞宮牆始克備其規制由是 先師憑依於上  
司鐸宣教於下諸生說禮樂而敦詩書者以時肄業其間行  
將地靈人傑鳳翥鵬騫以仰副 聖朝棫樸菁莪之化方  
興未艾也此豈下吏之自為力實賴 諸鄉先生暨我人士襄  
贊之功以觀厥成也而予因藉以上體養士之隆典下盡訓  
率之官箴稍報涓埃毋忝厥職耳肇事於乾隆丙子孟冬越  
丁丑迄戊寅夏仲歷二月而功成捐助紳士另勒石刊記

四十七年署知縣史湛嘉慶十七年知縣鄭家屏先後重修

均有記 史湛重修縣學記 辛丑夏五月余以襄陽分治攝篆  
徘徊久之伏思我 皇上重道崇文由國學以迄鄉校莫  
不廟貌嚴巍永垂令典矣是何可以新既而集邑之紳士  
詢之則不修葺者已廿餘年余益慨曰是 至聖之所式憑  
先賢先儒之所從祀而一邑之士庶於焉瞻仰者也夫善風  
俗者莫如教化興教化者莫先學校自古迄今未之有異岡  
邑素稱文藪而宮牆不飭夫非有司之責歟余不敢不勉諸  
君子其有同心焉僉曰唯唯爰議首士魏壘等以董其事乃  
捐俸以為之倡佈告九鄉各量力輸將遂擇吉鳩工庀材越

次年壬寅夏告竣自殿堂兩廡鄉賢名宦泮壁以及肄業齋  
舍無不煥然一新余復集諸紳士而致慶曰噫嘻是豈徒新  
一時之耳目乎哉其願後之凡蒞茲土者於焉拜瞻思所以  
激濁揚清導其休美而為一邑之良吏其願爾多士思樂泮  
水言采其芹者思所以刮垢磨光潔爾身心而為一邑之良  
士其願我百姓觀茲巍峩者望而生敬敬而生善思所以滌  
舊除汚羣焉向化而為一邑之良民然則 至聖盛德光輝  
所以亙古而常新者其在茲乎其在茲乎若夫自此以往人  
文蔚起高科巍第炳耀西陵則又理有固然易足以為異諸  
君子其然余言乎請即以前言泐諸石而與諸君子共相泮  
廟也可是為記 鄭家屏記 黃岡縣學歷代屢有建移其於  
清淮門內軍器局東自前明正德乙亥始也入 本朝來順  
治閒戊子癸巳己亥辛丑遞建者四康熙閒壬子丙辰壬戌  
戊辰丁亥庚子重修者六雍正間己酉乙卯續修者二乾隆  
閒壬戌丙寅壬寅增修者三其間相距遠或二十餘年近或  
僅數年後先相望是亦足以見我 國家久道化成而歷任  
士大夫興學右文居其位而勤思其職也嘉慶紀元之十有  
六年家屏量移是邑距王真重修之歲垂三十年矣蒞任之  
初首謁廟學日久寢徹憬然動心乃亟謀修葺捐俸以為之  
倡而邑縉紳之急工者不惜重貲力襄其事未踰時而大  
成殿暨東西兩廡煥乎維新繼而因邑士民勸蠲者眾於是  
啟聖宮明倫堂櫺星門及名宦鄉賢等祠以次修復焉是  
用識其歲月與釀金督役人姓氏刻之於石匪敢曰繼軌前  
修亦庶乎居其任而不忘職也云爾工竣之秋邑人舉文武

鄉試者凡十有七人邑中以爲盛事別爲之道光八年知縣  
建坊於通衢書其姓名以勸來者因附記之

陸炯修圍牆並西齋堂舍十六年教諭易慶善倡修二十六  
年知縣俞昌烈並職員廖雲程張志銘勸捐修葺陶樑記黃

乾隆以來凡四加葺治皆勒修者姓名於石近歲則頽圯益  
甚邑令俞君昌烈懼無以肅廟貌也請於予及郡守祁君謀

所以新之者從其議擇教諭周鯤花訓導李正心董治之首  
大成殿次兩廡次啟聖殿次宮牆階除庖湏皆整理復

其初欄楹加丹彩焉頡頏加完固焉繚垣加崇閣焉經始二  
十六年正月落成二十六年閏五月俞君鳩工既畢請碑以

記之求文於祁君暨予祁君復見推於是遂述之日治與學  
無二道也古者羣州邑里黨之上而聚之庠序射鄉養老皆

在其中而又有春秋釋奠之禮流示之以登降跪拜籩豆儀  
品鐘鼓箎弦視聽必依儼恪官骸必依整肅精者以陶淑其

性情粗者以柔馴其血氣及其服循既久耳濡目染皆學之  
事也容節比禮樂行藝登賢能絲是辨之司馬進之王朝可

以布於有位輔理成化下至塗巷隴畝之行蓋學之益於治如  
法仁讓四達無復有囂凌之習奇衰之行蓋學之益於治如

此今祁君及俞君皆下車未久卽首重是舉可謂識治道之  
原者茲邑號爲才俊藪往者巍科上第烜赫相望其餘以文

漸摩甄育有過虞周賢長吏又率先髦士以宗聖闡學樹之  
標的被其化者益相勵以德義相砥以躬行體用該備本末

共貫進可以儲積幹垂功績退可以坊表人倫至於閭里間  
莫不彬彬然有鄒魯之遺風非根本於學烏睹此治乎予嘉

二君之識治本尤樂與都人士共觀正學之盛也於是紀其  
顛末而自祁君而咸豐三年爲粵逆燬光緒元年知府英啟

下皆得書名於左 咸豐三年爲粵逆燬光緒元年知府英啟  
率知縣恆琛教諭黃敦素訓導魏澤宏暨闔邑紳士捐貲復

建英啟記黃岡爲黃郡附郭邑惟楚有材此其林藪同治六  
年夏四月啟始聞命出守黃州越冬十月實來郡受

事維時府學重建告成者已一年有餘他州縣學以訖工  
若開工告亦先後相繼而黃岡獨闕焉議者進曰自粵寇竄  
亂檢逆肆擾黃郡當其衝城陷者屢矣去城一二百里閒其  
蹂躪也視他邑爲尤甚民氣未復民力幾何勉強用之固  
可集而勢將不趨於苟簡而不得毋乃滋貽他日累曷姑待  
之歲迄壬申十有一年冬恆君獻之來視邑事者已閱四年  
袖紡績之聲遠近相聞蓋安其鄉家紘戶誦洋洋盈耳與夫村  
於是集邑人士屬其父老召其子弟相與諮諏揆度而學宮  
重建之議以定黃君葆田魏君巨川同司邑鐸因而興事勸  
功家不私其財人不私其力而鳩工之費以集越明年癸酉  
春三月庚寅醜土興工築登削憑宇安堵興舊制式遵新規  
聿廓又明年甲戌十二月庚寅而大功以成恆君來告且請  
爲文勒石以記啟不敏謹書其事俾邑人士觀禮戾止益有

以感發而興起焉至乃基址延袤棟宇闊狹與夫董役者若人出貲者若人總費金錢若干咸識於籍後之人亦得有所云攷

廟學環以紅牆

左圍牆自前至後巷口止長五十四丈三尺右圍牆自前至後巷口止長五十五丈三尺

後圍牆長十九丈五尺

其前為甬壁橫三丈七尺左右側牆為展翅形

各長一丈七尺左有門額曰德配天地右有門額曰道冠古

今甬壁右牆橫二丈八尺又右接鋪屋三向橫六丈左牆橫

二丈七尺學署頭門橫三丈八尺又左接鋪屋一向橫二丈

八尺自學署頭門起抵對面牌坊長四丈八尺橫十二丈五

尺右牆外有塘名黃家塘上岸有鄒姓捐出基地一段橫四

丈五尺直四丈 縣學照壁外基地同治十三年知縣恆琛

丈量正南以石坊為界東南以金公祠後路小巷牆腳為界

西南以六腳牌坊向南一丈為界均立界石

大成殿

列聖欽頒額恭錄於左

康熙二十三年

御書萬世師表雍正三年

御書生民未有乾隆三年

御書與天地參嘉慶五年

御書聖集大成道光元年


御書聖協時中咸豐元年

御書德齊疇載同治二年

御書聖神天縱光緒元年

御書斯文在茲

正位





至聖先師孔子

考漢平帝稱宣尼公和帝封褒尊侯北魏孝文帝稱文宣尼  
父後周宣帝封鄒國公隋文帝稱先師尼父唐高宗贈太師  
元宗諡文宣王宋真宗諡至聖元武帝號大成至聖文宣王  
明嘉靖九年議去王號並大成文宣之稱廟不稱殿易像為  
主木主高二尺三寸闊四寸厚七分座高四寸長七寸厚三寸四分朱地金書  
國朝順治十四年定今稱

東配

復聖顏子漢永平十五年祀七十二弟子顏子位第一魏晉祀孔子均以顏子配唐貞觀二年以孔子為先聖顏子

配饗

述聖子思子宋大觀二年從祀端平三年升列哲位咸淳三年配饗

西配

宗聖曾子唐開元八年從祀宋咸淳三年配饗

亞聖孟子宋元豐七年配饗

考以上配位以前皆稱封爵元至順元年贈顏子兗國復聖  
公會子鄒國宗聖公子思子沂國述聖公孟子鄒國亞聖公  
明嘉靖九年改稱復聖顏子宗聖曾子述聖子思子亞聖孟  
子

國朝因之木主高一尺五寸闊三寸二分厚六分赤地墨書

東哲

先賢閔子

先賢冉子

先賢端木子

先賢仲子以上俱唐開元八年從祀

先賢卜子 唐貞觀二十一年以經師從祀開元八年以十哲從祀

先賢有子 唐開元八年從祀 國朝乾隆三年升列哲位

西哲

先賢冉子

先賢宰子

先賢冉子

先賢言子 以上俱唐開元八年從祀

先賢顓孫子 唐開元八年從祀 宋咸淳三年升列哲位

先賢朱子 宋淳祐元年從祀 國朝康熙五十一年升列哲位

考以上哲位宋以前皆稱封爵明嘉靖九年改稱先賢某子

國朝因之有子朱子升列哲位從一例 木主高一尺四寸闊二寸六分厚五分赤地墨

書

東廡先賢

先賢公孫僑 國朝咸豐七年從祀

先賢林放 唐開元二十七年從祀 明嘉靖九年改祀於鄉 國朝雍正二年復祀

先賢原憲

先賢南宮适

先賢商瞿

先賢漆雕開

先賢司馬耕

先賢梁鱣

先賢冉孺

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄭單

先賢罕父黑

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢顏何

先賢縣亶

先賢牧皮

以上俱唐開元二十七年從祀

唐開元二十七年從祀明嘉靖九年罷國朝雍正二年復祀

先賢樂正克

先賢萬章 以上國朝雍正二年從祀

先賢周敦頤

先賢程顥 以上宋清祐元年從祀

先賢邵雍 宋咸清三年從祀

西廡先賢

先賢遽瑗 唐開元二十七年從祀明嘉靖九年改祀於鄉國朝雍正二年復祀

先賢澹臺滅明

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容蒧

先賢顏祖

先賢句井疆

先賢秦祖

先賢縣成

先賢公祖句茲

先賢燕伋

先賢樂欬

先賢狄黑

先賢孔忠

先賢公西蒧

先賢顏之僕

先賢施之常

先賢申棖

以上俱唐開元二十七年從祀

先賢左邱明

唐貞觀二十一年以經師從祀

先賢秦冉

唐開元二十七年從祀明嘉靖九年罷國朝雍正二年復祀

先賢公明儀

國朝咸豐三年從祀

先賢公都子

先賢公孫丑

以上國朝雍正二年從祀

先賢張載

先賢程頤

以上宋淳祐元年從祀

考以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之下漢唐諸儒之上

國朝俱稱先賢不稱子

東廡先儒

先儒公羊高

先儒伏勝

以上唐貞觀二十一年從祀

先儒毛亨

國朝同治二年從祀

先儒孔安國

唐貞觀二十一年從祀

先儒后蒼

明嘉靖九年從祀

先儒許慎

國朝光緒二年從祀

先儒鄭康成

先儒范甯

以上俱唐貞觀二十一年從祀明嘉靖九年改祀於鄉國朝雍正二年復祀

先儒陸贄

國朝道光六年從祀

先儒范仲淹

國朝康熙十四年從祀

先儒歐陽修

明嘉靖九年從祀

先儒司馬光

宋咸淳三年從祀

先儒謝良佐

國朝道光十九年從祀

先儒羅從彥

明萬曆四十二年從祀

先儒李綱

國朝咸豐元年從祀

先儒張栻

宋景定二年從祀

先儒陸九淵

明嘉靖九年從祀

先儒陳淳

國朝雍正二年從祀

先儒真德秀

明正統二年從祀

先儒何基

國朝雍正二年從祀

先儒文天祥

國朝道光十三年從祀

先儒趙復

先儒金履祥

先儒陳澔 以上國朝雍正二年從祀

先儒方孝孺 國朝同治二年從祀

先儒薛瑄 明隆慶五年從祀

先儒胡居仁 明萬曆十年從祀

先儒羅欽順 國朝雍正二年從祀

先儒呂柟 國朝同治二年從祀

先儒劉宗周 國朝道光二年從祀

先儒孫奇逢 國朝道光八年從祀

先儒張履祥 國朝同治十年從祀

先儒陸隴其 國朝雍正二年從祀

先儒張伯行 國朝光緒四年從祀

西廡先儒

先儒穀梁赤

先儒高堂生 以上唐貞觀二十一年從祀

先儒董仲舒 元至順元年從祀

先儒劉德 國朝光緒三年從祀

先儒毛萇

先儒杜子春 以上唐貞觀二十一年從祀

先儒諸葛亮 國朝雍正二年從祀

先儒王通 明嘉靖九年從祀

先儒韓愈 宋元豐七年從祀

先儒胡瑗 明嘉靖九年從祀

先儒韓琦 國朝咸豐二年從祀

先儒楊時 明宏治八年從祀

先儒尹焯 二朝從祀

先儒胡安國 明正統二年從祀

先儒李侗 明萬曆四十二年從祀

先儒呂祖謙 宋景定二年從祀

先儒袁燮 七朝從祀

先儒黃榦 二朝從祀

先儒輔廣 六朝從祀

先儒蔡沈 明正統二年從祀

先儒魏了翁 以上二朝從祀

先儒王柏 正二年從祀

先儒陸秀夫 九年從祀

先儒許衡 宋皇慶二年從祀

先儒吳澄 明正統八年從祀 嘉靖九年復祀

先儒許謙 二朝從祀

先儒曹端 十朝從祀

先儒陳獻章 明萬曆十二年從祀

先儒蔡清 二朝從祀

先儒王守仁 明萬曆十二年從祀

先儒呂坤 六朝從祀

先儒黃道周 五朝從祀

先儒陸世儀 元朝從祀

先儒湯斌 三朝從祀

考以上先儒位明嘉靖以前從祀者皆稱封爵嘉靖九年改



稱先儒某子

國朝稱先儒不稱子

右兩廡先賢先儒位俱謹遵同治二年七年與光緒閒

欽定序列木主規制同十哲

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

考以上正位明嘉靖九年於

大成殿後立

啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠木主規制同四配

東配

先賢孔氏孟皮國朝咸豐七年配饗

先賢顏氏名無繇唐開元二十七年從祀明嘉靖九年配饗

先賢孔氏名鯉宋咸淳三年從祀明嘉靖九年配饗

西配

先賢曾氏名皙唐開元二十七年從祀明嘉靖九年配饗

先賢孟孫氏名激明嘉靖九年配饗

東廡先儒

先儒周氏 名輔成明萬曆二十三年從祀

先儒程氏 名珦

先儒蔡氏 名元定以上明嘉靖九年從祀

西廡先儒

先儒張氏 名迪國朝雍正二年從祀

先儒朱氏 名松明嘉靖九年從祀

考以上先賢先儒位明嘉靖時稱先賢某氏先儒某氏

國朝因之 木主規制俱同十哲

名宦祠祀位三十人

宋張激 元吳汝 明徐誼 胡潔

簡霄 虞儼 孟津 賈應璧

羅應鶴 趙士登 涂宗濬 曹愈參

徐紹曾 茅瑞徵 李希沆 孫白一

韓秉文 武鉞 張性魯 周祿

姚溢 劉烜 林兆箕 杜遇春

吳文燮 國朝楊日昇 劉國甯 徐籀

董元俊 李經政 以上循良有傳

鄉賢祠祀位百十人

唐周墀 宦績有傳 宋潘大臨 文苑有傳

元吳應澍 隱逸有傳 明滕賓 文苑有傳

冷庸 宦績有傳 明詹同 宦績有傳

吳琳 宦績有傳 徐本 宦績有傳

黃榮 宦績有傳 蕭昇 宦績有傳

張璘 宦績有傳 王思旻 宦績有傳

詹徽 見宦績 詹同傳

曾恕 篤行 有傳

張佐 宦績 有傳

王濟 孝友 有傳

王麟 宦績 有傳

劉以德 見宦績 劉以文傳

謝景 宦績 有傳

郭慶 儒林 有傳

陳廷瓚 宦績 有傳

余文瑞 篤行 有傳

奚樸 宦績 有傳

奚世亮 忠義 有傳

陳言 宦績 有傳

范芝 宦績 有傳

王廷陳 文苑 有傳

樊焯 儒林 有傳

樊玉衝 宦績 有傳

曹光德 宦績 有傳

李植 宦績 有傳

陳首俊 見科 貢表

杜傑 宦績 有傳

穆天顏 宦績 有傳

詹時鳴 儒林 有傳

李葵 見封 贈志

曾一夔 舊志 武勳表 補

曾言 舊志 武勳表 補

詹希原 見宦績 詹同傳

黃伯垓 篤行 有傳

余鑾 宦績 有傳

賈啟 宦績 有傳

曹珪 宦績 有傳

吳良吉 儒林 有傳

王廷槐 孝友 有傳

方勇 忠義 有傳

邱尙忠 篤行 有傳

方任 宦績 有傳

陳嘉學 見科 貢表

陳相道 見科 貢表

陶珪 宦績 有傳

王廷瞻 宦績 有傳

杜鳴陽 篤行 有傳

邱岳 宦績 有傳

劉承芳 孝友 有傳

王一鳴 宦績 有傳

於倫 宦績 有傳

易傲之 宦績 有傳

張寶 見科 貢表

孫大祚 忠義 有傳

王同謙 見科 貢表

張濟 有傳 宦績

張啟孫 見張 澤傳

周之訓 忠義 有傳

熊璠 無考

王陞 儒林 有傳

葉正蒙 見利 貢表

甄善 見科 貢表

汪之渙 篤行 有傳

樊玉衡 忠義 有傳

王崇擢 孝友 有傳

汪世極 孝友 有傳

程希召 無考

趙炳 見科 貢表

易為埏 見易道 暹傳

劉以文 宦績 有傳

樊鼎遇 孝友 有傳

陳四維 孝友 有傳 舊志佚

詹大有 舊志佚 見宦 績詹謹之傳

萬為境 舊志佚 有傳

李遐齡 見宦績 李 應鶴傳

王追本 見封 贈志

劉子壯 文苑 有傳

王躬俊 孝友 有傳

張澤 有傳 宦績

李田 見封 贈志

李之用 見科 貢表

官如皋 孝友 有傳

熊養中 見科 貢表

王鳳陽 宦績 有傳

王欽濂 宦績 有傳

甄其賢 見封 贈志

詹謙之 無考

祝宗文 見科 貢表

祝一先 見封 贈志

樊玉衡 篤行 有傳

張鳳來 孝友 有傳

易道暹 忠義 有傳

王家欽 見儒林 王陞傳

徐崇德 篤行 有傳

官應震 宦績 有傳

詹謹之 宦績 有傳

陳肇昌 舊志佚 有傳

樊維域 宦績 有傳

宋必達 宦績 有傳

王一鈺 見科 貢表

陳天生 篤行 有傳

王風采 宦績 有傳

國朝

李長青 宦績有傳

曾世儀 宦績有傳

按二祠舊入祠祀志考雍正三年奉旨建在學宮內今遵列此


祭典

謹考祭典內禮儀樂舞載在

皇朝會典直省通行各省郡邑志多不載邑舊志備錄由來已久姑仍其舊俾便於省覽識禮儀之備窺樂舞之精安治移易莫善於此舊志多有掛漏沿訛茲謹遵同治閒重刊


欽定書繪錄於左用備徵考云

釋奠班位圖






從位陳設圖



東西同

兩廡陳設圖




東西同






崇聖祠從位兩廡陳設圖



二案同

四祠陳設圖



四案同

樂器

麾二為作樂止 鈔鐘二夾鍾 編鐘一十六枚 特磬二夾鍾 編磬

一十六枚 琴六 瑟六 排簫二 架鳳簫六姑洗 笛六仲呂 篪四姑洗

呂笙六大笙 壎二黃鍾 應鼓一 搏拊二 祝一 敔一 止樂木笏

六見舊志

舞器舊志乾隆五年定樂用六佾樂舞生四十名免府縣試

旌節二節舞 籥三十六 羽三十六

欽定文廟樂譜 春夾鍾清商 立宮倍應鍾清宮變 主調

迎神昭平

簫譜 壎篪排簫編鐘編磬同

大哉孔子伏 先覺先知伏 與天地參伏 萬世之師伏

祥徵麟紘伏 韻答金絲伏 日月既揭伏 乾坤清夷伏

奠帛初獻宣平

子懷明德伏 玉振金聲伏 生民未有伏 展也大成伏

俎豆千古伏 春秋上丁伏 清酒既載伏 其香始升伏

亞獻秩平

式禮莫愆伏 升堂再獻伏 響協鼗鏞伏 誠孚臝獻伏

肅肅雍雍伏 馨鬯斯彥伏 禮陶樂淑伏 相觀而善伏

終獻敘平

自古在昔伏 先民有作伏 皮弁祭菜伏 於論思樂伏

惟天牖民伏 惟聖時若伏 彝倫攸敘伏 至今木鐸伏

徹饌懿平

先師有言伏 祭則受福伏 四海鬻宮伏 疇敢不肅伏

禮成告徹伏 毋疏毋瀆伏 樂所自生伏 中原有菽伏

送神德平

鳥伍釋伍義伍義伍

景伍行伍行伍止伍

流伍澤伍無伍疆伍

迎神昭平

聿昭祀事

化我蒸民

育我膠庠

笛譜笙阿

大哉孔子

先覺先知

與天地參

萬世之師

奠帛初獻宣平

子伍懷伍明德伍

玉振金聲

生民未有

展也大成

亞獻秩平

俎豆千古

春秋上下

清酒既載

其香始升

肅肅雍雍

譽髦斯彥

禮陶樂淑

相觀而善

終獻敘平

自古在昔

惟聖時若

皮弁祭菜

於論思樂

徹饌懿平

先師有言

祭則受福

四海饗宮

瞻敢不肅

送神德平

鳥伍釋伍義伍義伍

洙泗洋洋

景行行止

流澤無疆

迎神昭平

祀事孔明

化我蒸民

育我膠庠

琴瑟譜

大芻哉芻芻孔芻子芻

與芻天芻地芻參芻

祥芻微芻麟芻紘芻

日芻月芻既芻揭芻

奠帛初獻宿平

予芻懷芻明芻德芻

生芻民芻末芻有芻

俎芻豆芻干芻古芻

清芻酒芻既芻載芻

亞獻秩平

式芻禮芻莫芻愆芻

響芻協芻鼗芻鏞芻

先芻覺芻先芻知芻

萬芻世芻之芻師芻

韻芻答芻金芻絲芻

乾芻坤芻清芻夷芻

玉芻振芻金芻聲芻

展芻也芻大芻成芻

春芻秋芻上芻丁芻

其芻香芻始芻升芻

升芻堂芻再芻獻芻

誠芻字芻疊芻獻芻

肅芻肅芻雍芻雍芻

禮芻陶芻樂芻淑芻

終獻敘平

自芻古芻在芻昔芻

皮芻弁芻祭芻菜芻

惟芻天芻牖芻民芻

彝芻倫芻攸芻敘芻

徹饌懿平

先芻師芻有芻言芻

四芻海芻鬻芻宮芻

禮芻成芻告芻徹芻

樂芻所芻自芻生芻

譽芻髦芻斯芻彥芻

相芻觀芻而芻善芻

先芻民芻有芻作芻

於芻論芻思芻樂芻

惟芻聖芻時芻若芻

至芻今芻木芻鐸芻

祭芻則芻受芻福芻

疇芻敢芻不芻肅芻

毋芻疏芻母芻瀆芻

中芻原芻有芻菽芻

送神德平

鳥芎芎釋芎芎我芎芎我芎芎

景芎芎行芎芎行芎芎止芎芎

聿芎芎昭芎芎祀芎芎事芎芎

化芎芎我芎芎蒸芎芎民芎芎

欽定文廟樂譜

秋南呂

徵清

立宮仲呂

角清

迎神昭平

簫譜 燠箴排簫編鐘編磬同

大哉孔子

祥徵麟紘

奠帛初獻宣平

予懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻秩平

式禮莫愆

肅肅雍雍

升堂再獻

禮陶樂淑

誠孚疊獻

終獻敘平

自古在昔

惟天牖民

先民有作

彝倫攸敘

於論思樂

徹饌懿平

先師有言

禮成告徹

祭則受福

四海廣宮

疇敢不肅

送神德平

鳥釋我我

洙泗洋洋

景行行止

流澤無疆

律昭祀事律昭祀事 祀事孔明祀事孔明 化我蒸民化我蒸民 育我膠庠育我膠庠

迎神昭平

笛譜 笙同

大哉孔子大哉孔子 先覺先知先覺先知 與天地參與天地參 萬世之師萬世之師  
祥徵麟紱祥徵麟紱 顏答金絲顏答金絲 日月既揭日月既揭 乾坤清夷乾坤清夷

奠帛初獻宣平

予懷明德予懷明德 玉振金聲玉振金聲 生民未有生民未有 展也大成展也大成  
俎豆千古俎豆千古 春秋上丁春秋上丁 清酒既載清酒既載 其香始升其香始升

亞獻秩平

式禮莫愆式禮莫愆 升堂再獻升堂再獻 禮協鼓鏞禮協鼓鏞 誠孚壘獻誠孚壘獻  
肅肅雍雍肅肅雍雍 譽髦斯彥譽髦斯彥 禮陶樂淑禮陶樂淑 相觀而善相觀而善

終獻敘平

自古在昔自古在昔 先民有作先民有作 皮弁祭菜皮弁祭菜 於論思樂於論思樂  
惟天牖民惟天牖民 惟聖時若惟聖時若 彝倫攸敘彝倫攸敘 至今木鐸至今木鐸

徹饌懿平

先師有言先師有言 祭則受福祭則受福 四海鬯宮四海鬯宮 疇敢不肅疇敢不肅  
禮成告徹禮成告徹 毋疏毋瀆毋疏毋瀆 樂所自生樂所自生 中原有菽中原有菽

送神德平

鳥繹峩峩鳥繹峩峩 洙泗洋洋洙泗洋洋 景行行止景行行止 流澤無疆流澤無疆  
聿昭祀事聿昭祀事 祀事孔明祀事孔明 化我蒸民化我蒸民 育我膠庠育我膠庠

迎神昭平

琴瑟譜

大哉孔子大哉孔子 先覺先知先覺先知  
與天與天 地地 參參 萬世萬世 師師

祥芻徵芻麟芻紱芻

日芻月芻既芻揭芻

奠帛初獻宣平

予芻懷芻明芻德芻

生芻民芻未芻有芻

俎芻豆芻千芻古芻

清芻酒芻既芻載芻

亞獻秩平

式芻禮芻莫芻愆芻

響芻協芻鼗芻鏞芻

肅芻肅芻雍芻雍芻

禮芻陶芻樂芻淑芻

終獻敘平

自芻古芻在芻昔芻

皮芻弁芻祭芻菜芻

惟芻天芻牖芻民芻

彝芻倫芻攸芻敘芻

徹饌懿平

先芻師芻有芻言芻

四芻海芻鬻芻宮芻

禮芻成芻告芻徹芻

樂芻所芻自芻生芻

送神德平

鳧芻繹芻栽芻栽芻

韻芻答芻金芻絲芻

乾芻坤芻清芻夷芻

玉芻振芻金芻聲芻

展芻也芻大芻成芻

春芻秋芻上芻丁芻

其芻香芻始芻升芻

升芻堂芻再芻獻芻

誠芻乎芻壘芻獻芻

譽芻髦芻斯芻彥芻

相芻觀芻而芻善芻

先芻民芻有芻作芻

於芻論芻思芻樂芻

惟芻聖芻時芻若芻

至芻今芻木芻鐸芻

祭芻則芻受芻福芻

疇芻敢芻不芻肅芻

母芻疏芻母芻瀆芻

中芻原芻有芻菽芻

洙芻泗芻洋芻洋芻

祭芻則芻受芻福芻

疇芻敢芻不芻肅芻

母芻疏芻母芻瀆芻

中芻原芻有芻菽芻

景芑芑行芑芑行芑芑止芑芑  
 聿芑芑昭芑芑祀芑芑事芑芑  
 化芑芑我芑芑蒸芑芑民芑芑  
 流芑芑澤芑芑無芑芑疆芑芑  
 祀芑芑事芑芑孔芑芑明芑芑  
 育芑芑我芑芑膠芑芑庠芑芑

欽頒文廟鼓譜

轉班鼓譜凡千有三節○者右手擊  
 口者左手擊△者擊鼓錄

初一節△△○二節△△○  
 三一節△△○○

再一節口○二節三節同上

中一節口○○二節三節同上

末一節口○○○二節三節同上

終節○○○

節樂鼓譜

○○○○○○○○


○者應鼓也○者搏拊鼓也每句畢振磬後擊應鼓一聲搏

拊左右各應之三應後擊鐘以起下句

歌 自上而下漸低漸濁漸巨 歌

聲 五六凡工尺上一四合 口

譜 自下而上漸高漸清漸細 譜



欽頒文廟舞容譜式通行直省府州縣學與闕繪圖詳譜式茲不

備繪謹節錄譜註

初起樂就班東西各十八人三成前拱立東西侑俱北面為

正立東侑西面西侑東面為向

第一成

予正立羽

懷身作向內勢兩足句後面轉



明 正立兩手微拱

玉 向西首微側右足進

金 正面向身微蹲

生 外兩足並垂

未 正立面向內兩手相

展 內兩足並

大 身微向外兩手推

俎 前兩足並進

千 正立兩手微拱

春 正立兩手微拱

清 內兩足並

德 正立兩手微拱

振 兩手伸出羽斜交

民 正立兩手微拱

有 正立兩手微拱

成也 正立兩手微拱

豆 正立兩手微拱

古 正立兩手微拱

秋 正立兩手微拱

丁 正立兩手微拱

酒 正立兩手微拱

既 正立兩手微拱

其 正立兩手微拱

始 正立兩手微拱

第二成

式 正立兩手微拱

莫 正立兩手微拱

升 正立兩手微拱

再 正立兩手微拱

響 正立兩手微拱

誠 正立兩手微拱

鬯 正立兩手微拱

載 正立兩手微拱

香 正立兩手微拱

升 正立兩手微拱

禮 正立兩手微拱

愆 正立兩手微拱

堂 正立兩手微拱

獻 正立兩手微拱

協 正立兩手微拱

鏞 正立兩手微拱

瓛 正立兩手微拱

肅 內向首微俯兩足

雍 正立兩手伸

譽 正立籥平舉右

斯 正立起右足

禮 身微向東右足進前

樂 身微向西左足進前

相 籥斜交

而 籥下垂羽倚肩

第三成

自 正立籥下

在 正面向內微蹲兩手

先 正面向右足交於

肅 俯身偏外起外

雍 內向籥斜指

髦 正立左手伸出籥

彥 正立籥植居

陶 正立籥植居

淑 正立籥植居

觀 正立籥植居

善 正立籥植居

古 並羽籥斜交

昔 足外向起外

民 前籥下垂羽植地

有 前籥下垂羽植地

皮 斜舉過肩羽植

祭 籥偏左如十字

於 內向兩手相並

思 向內身俯起內

惟 籥偏右如十字

牖 正立籥向

惟 正立籥平

時 外籥平指外

彝 外籥平

攸 正立身俯籥

至 正面向左足

作 正立籥平

弁 正面向右足左足伸出趾

菜 正立身俯

論 正立籥斜交偏外

樂 正立籥下

天 正立籥下

民 正立籥向

聖 正立籥向

若 正立籥向

倫 正立籥向

敘 正立籥向

今 正立籥向

木 正面屈雙足羽籥植

鐸 俯首至地羽籥如十字

附舊志載鼓聲既嚴旌節前導魚貫而進列行於陛下左右相向聽節生唱奏其舞則散而為揖唱舞止則聚而成凡歌一闕則舞一成奠帛三獻共四成始終共六變起於中而散於中初變在綴之中東西立象尼山毓聖五老降庭再變而為侑數稍前進象筮仕於魯而魯治三變而東西分象歷聘列國而四方化四變稍退後象刪述六經告備於天五變而左右向象講論授受傳道於賢六變而復歸於綴中東西立象廟堂尊享弟子列配出太學志

行禮儀注

文廟獻官 州縣以長官為正獻其貳及所屬分獻

崇聖祠獻官 州縣以教諭為正獻前後兩廡皆食餼學弟子員

各一人分獻陳設器數行禮儀節與省會同

執事 通贊生一人引禮生八人贊禮生八人讀祝生一人

司香生二人司帛生十四人司尊生四人司爵生十四人司

福飲生二人徹饌生二人司燔瘞生二人司麾生二人司琴

生六人司瑟生四人司笛生六人司笙生六人司簫生六人

司篪生四人司塤生二人司鳳簫生二人司板生一人司祝

生一人司敔生一人司鐃鐘生一人司編鐘生一人司編磬

生一人司特磬生一人司應鼓生一人司搏拊鼓生二人監

樂生一人司節生二人佾舞生三十六人歌生八人

演習 祭前十日由學傳喚生童於前五日入學習樂習舞

習禮悉聽襄辦下祭首人經理

視器物 祭前五日教官同首人請領鑰匙啟庫檢祭器命

齋夫洗濯陳設檢樂器命生童分班演習祭前二日辦祭官

親視祭物

治祭品 登之實太羹 煮肉汁不和 鉶之實和羹 用豕膾肉

而為羹共 簠之實黍 禮曰蕪合結穗如稻揀擇完結 稷 禮曰

乃糝之不黏者揀擇圓好之  
 穎湯撈成飯共備二十六分  
 蒸熟成飯似粟而大有青黃白三種揀選圓好者用湯撈  
 共備六分  
 盛於籩稻梁盛於簋如一簋一  
 盛之案則黍盛於簋稷盛於籩  
 棗陸菓揀圓潔甘美者粟陸菓揀圓潔者去皮  
 去鱗以鹽搓之曬乾臨用時用鹿脯用乾鹿肉煮熟切  
 溫水洗淨酒浸切片共備六分  
 揀淨仁潔白者用之類芡之水菓揀淨實潔白者用  
 堆砌下豐上銳共備六分  
 潔白者用之如初黑餅蕎麥心大餅以糖食為飽印餅如  
 榛法共備六分  
 白麪為餅如作黑豆之實菁菹蔓菁也形如蘿蔔切小片以  
 餅法止正位一分  
 芹菹芹菜以湯芼之切作段韭菹韭菜揀其細嫩者切去本  
 分  
 筍菹用乾筍鹽水煮過淘醃味用豬膾肉切作小塊加五  
 分  
 魚醃用鮮魚去鱗切作小塊鹿醃用鮮鹿肉切作小塊如  
 分  
 兔醃用活兔肉切作小塊如治豚拍用豬肩膊肉取方大  
 醃醃法共備二十六分

酒蒸熟止正位一分  
 脾析用牛羊壯子百葉刷去黑皮切作細條湯  
 正位一分  
 樽之實酒清酒二十二分  
 以香冽為上  
 祭期 每歲春秋二祭月用仲日用丁四鼓致祭

崇聖祠五鼓致祭

文廟

齋戒 祭前一日承祭官陪祭官及執事者皆沐浴更衣散  
 齋一日各宿別室致齋一日同宿祭所

省牲 祭前一日執事者設香案於牲房外承祭官穿補服  
 贊者贊就位上香行獻禮三進揖揖已贊詣省牲所省牲承祭

官省牲畢遂宰牲取血以告殺取毛以告純以盤盛毛血各  
 少許安置各神位下至階下行一跪三叩禮退次日致祭迎神前瘞於坎

習儀 祭前一日辦祭官穿補服備樂導送祝文祭品至學

詣明倫堂分獻官穿補服觀演樂舞習儀禮生貼祝文於版  
恭送前後殿安設

填榜 祭前一日由學辦榜填寫正獻分獻職官暨執事生  
名送正獻官衙門用印實貼學署門右

印帛 祭前一日辦祭官每案辦帛一分各書禮神制帛四  
字禮生恭捧制帛赴正獻官衙門會印由中門捧至二堂正

獻官穿補服視畢用印仍交禮生捧至明倫堂俟致祭日四  
鼓陳設

釋奠儀注

通唱 行釋奠禮執事者各司其事鳴鐘聲鼓鼓初嚴鼓再嚴

鼓三嚴 典唱 麾生進 陪典唱 旌生進 典唱 樂生序立 陪典唱

舞生序立 通唱 主祭官就位 正引唱 主祭官盥洗就位 通唱

分獻官就位 分引唱 分獻官盥洗就位 通唱 陪祭官就位 啟

戶瘞毛血迎

神 典唱 舉迎

神樂 陪典唱 奏昭平之章 通唱 上香 正引唱 主祭官詣

先師香案前跪三上香叩首興 次詣

復聖位前跪三上香叩首興 次詣

宗聖位前跪三上香叩首興 次詣

述聖位前跪三上香叩首興 次詣

亞聖位前跪三上香叩首興 復位 分引候主祭官詣

復聖位時唱 分獻官詣

東哲位前 同前 以次降階分詣

西廡位前 同上畢 皆復位 陪通唱 跪叩首叩首叩首興 凡三次

通唱 奠帛爵行初獻禮 典唱 舉初獻樂 陪典唱 奏宣平之章  
起宣平之舞 俟樂作正引唱 主祭官行初獻禮詣酒尊所司

尊者舉鷩酌酒詣

先師位前跪奠帛初獻爵叩首興詣祝位前跪 通唱 皆跪 典俟歌  
以玉振金聲句唱止歌四樂止 陪典唱 舞止 正引唱 讀祝 畢

句則以展也女成句唱止 樂起 陪典唱 舞起 通唱 行分獻禮

宗 叩首叩首叩首興 典唱 樂起 陪典唱 舞起 通唱 行分獻禮

正引唱 詣

復聖位前跪奠帛初獻爵叩首興 次詣

宗聖位前 同上

述聖位前 同上

亞聖位前 同上 復位 分引俟主祭官詣 復聖位時唱 分獻官

詣

東 哲位前 如前 詣

西 庶位前 如前 皆復位

通唱 行亞獻禮 典唱 舉亞獻樂 陪典唱 奏秩平之章起秩平

之舞 俟樂作正引唱 主祭官行亞獻禮詣酒尊所司尊者舉

鷩酌酒詣

先師位前跪亞獻爵叩首興 通唱 行分獻禮 正引唱 詣

四配位前 如前 復位 分引俟詣 復聖位時唱 分獻官詣

東 哲位前 如前 詣

西 庶位前 如前 皆復位

通唱 行終獻禮 典唱 舉終獻樂 陪典唱 奏敘平之章起敘平

之舞 俟樂作正引唱 主祭官行終獻禮詣酒尊所司尊者舉

鷩酌酒詣

先師位前跪終獻爵叩首興

通唱 行分獻禮 正引唱 詣

四配位前

如前儀 分四次復位 分引俟詣 復聖位時唱 分獻官詣

東 西 儀次 詣

皆復位

俟樂止典唱 文德之舞退 通唱 飲福受

胙

正引唱 主祭官詣受福胙位跪飲福酒受福胙叩首叩首

叩首興復位

陪通唱行三跪九叩首禮 興 通唱 徹饌 典唱 舉

徹饌樂

陪通唱 奏懿平之章 畢 通唱 送

神

典唱 舉送

神樂

陪通唱 奏德平之章 陪通唱行三跪九叩首禮 興 典 俟歌第 六句祀事

孔明樂止 通唱

司祝者奉祝司帛者奉帛司香者奉香司饌

者奉饌恭送燎所望燎

正引分引引各官 詣燎所望燎 典唱

樂起 畢通唱 禮成闔戶捲班

祝文

維

先師德隆千聖道冠百王揭日月以常行自生民所未有屬

文教昌明之會正禮節樂和之時辟雍鐘鼓咸恪薦以馨香泮水

膠庠益致嚴於籩豆茲當仲春祇率彝章肅展徽忱聿彰祀

典以

復聖顏子

宗聖曾子

述聖子思子

亞聖孟子配尚

饗

崇聖祠致祭儀注

正獻官詣 兩廡均係分獻行禮惟無樂舞無飲福受胙所

有迎  
徽饌送

神上香初獻奠帛亞獻終獻  
神望燎儀節俱如 正殿

祝文

維

王奕葉鍾祥光開聖緒盛德之後積久彌昌凡聲教所覃敷率循

宗源而溯本宜肅明禋之典用申守土之忱茲屆仲春肆修祀

典以

先賢顏氏

先賢曾氏

先賢孔氏

先賢孟氏配尙

饗

名宦 鄉賢 祠歲春秋祭日同上丁各共支餉銀五兩乾隆七年均

祭減銀一兩五錢祀位祭品見前

儀注

釋奠禮畢教諭一人公服詣祠致祭禮生引主祭官詣案前禮生自右捧香盤主祭官三上香訖引贊贊主祭官三叩興禮生自右授帛官受帛拱舉授禮生獻案上禮生酌酒實爵跪授官受爵拱舉仍授禮生與獻於正中祝者捧祝跪案左引贊贊官跪讀畢以文復於案退官俯伏與執事者酌酒獻於左又酌獻於右退引贊贊跪叩興官三叩興執事以祝帛送燎禮畢退以上節錄舊志

名宦祝文

卓哉羣公懋修厥職澤被生民功垂社稷茲維仲春謹以牲

醴用申常祭尙饗

鄉賢祝文

於維羣公孕秀茲邦懿德卓行奕世流芳茲維仲春謹以牲

醴用申常祭尙饗

忠義孝弟祠乾隆前修葺無考嘉慶五年教諭李敦柱倡率



邑士周鳴鳳吳信李光淮邱光宗等捐貲修理道光九年知縣李錦源據邑監生胡廷瑞稟捐擴基重建後燬於兵今改建明倫堂東祠設總位姓名均詳忠義孝弟志春秋二仲上丁日祀之祭品儀注與名宦鄉賢祠同舊入祠祀志考雍正三年奉旨建

在學宮內今遵列此

祝文

維靈秉賦貞純躬行篤實忠誠奮發貫金石而不渝義聞宣昭表鄉閭而共式祇事懋彝倫之敘性摯我蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尚饗節孝祠雍正三年建在分守道署後年久頽廢道光十六年知縣范興榮教諭易慶善訓導尹廷瑛勸捐改建於縣學前

咸豐三年為賊燬今移建學宮右院門西向舊基改建金公祠 祠設總位姓名均詳列女志春秋二仲上丁日祀之祭品儀注與上三祠同舊入祠祀志考雍正三年奉旨建在學宮外今遵列此

祝文

維靈純心皎潔令德柔嘉矢志完貞全閨中之亮節竭誠致敬彰閩內之芳型茹冰槩而彌堅清操自勵奉盤匱而匪懈篤孝傳徽

絲綸特沛乎

殊恩祠宇昭垂於令典祇循歲祀式薦尊醪尚饗

學政

漢武帝因博士舊黌舍置弟子員興大學也元始中郡國曰學邑侯國曰校鄉曰庠聚曰序各置有師元魏大郡中郡小

郡有助教學生之設郡縣學蓋始此唐武德七年州縣並置學其學生自京縣五十至小縣二十長官補長史主之仲冬舉其成者送尚書省宋仁宗初諸郡請立學詔可學校遂徧天下嘉定二年始立州縣學而教諭訓導之員定元明因之迄於

聖朝教法益詳

國朝順治三年

詔所在有司以時修葺廟學八年禮部申學政六條於天下學校九年頒

御製訓士文勒石學宮康熙二十三年頒

御製學校論二十四年頒

先師誕辰八月二十七日三十八年

詔製各學校樂器三十九年頒

聖諭十六條

御製至聖先師贊暨四賢贊四十一年頒

御製訓飭士子文四十二年

頒平定朔漠碑文並勒石學宮雍正二年頒

御製萬言廣訓

考定制每月朔望有司謁紳士擇諸生升堂鳴鼓讀講

文廟畢詣公所集官吏編民咸會諸鄉鎮令約

正約副讀講三年

詔祀先師以太牢

頒朋黨論是年

頒禮樂圖籍五年

諭直省內外逢

先師誕辰齋戒一日

命諱孔子名加乃為邱七年

頒平定青海碑文勒石學宮二十三年

頒平定準噶爾碑文勒石學宮二十五年

頒平定回部碑文勒石學宮四十四年

頒平定金川碑文勒石學宮又

頒釐正文體

上諭懸挂學宮乾隆十年

頒訓飭士子文

官設教諭訓導各一員

學額 舊志學生廩膳二十名歲有餼二歲貢其一增廣二

十名附生無定額教官月課其學提督學院三歲再試之初

日歲試優劣有等再日科試擇其尤者送鄉試又六年或十

二年選拔一人雍正五年奉

諭居家孝友行止端方才可辦事而文亦可觀者一學各舉一人文

童歲科試入學十五名武童歲試入學十五名康熙六十一

年

恩詔文童廣額五名一次雍正二年題准奉

旨照大學額歲科試各取進二十名著為令十三年乾隆元年節奉

恩詔廣額七年各一次六十年 大學石經刻成

高宗純皇帝臨雍 加恩廣額五名一次嘉慶元年節奉

恩詔共廣額十二名一次四年

恩詔廣額七名一次道光元年

恩詔廣額七名一次三年

恩詔廣額七名一次咸豐八年以歷年紳民團練出力奉

旨永廣文武學額各二名十年以捐饗銀四萬九千餘兩奉

旨永廣文武學額各四名同治元年奉

恩詔加廣文武學額各七名一次三年以捐饗二萬一千餘兩奉

旨永廣文武學額各二名同治五年以咸豐三年起捐辦團練至十

一年止共銀十六萬五千餘兩奉

旨永廣文武學額各四名暫廣文武學額各六十二名分七屆取進

以六年補行五年科試起文額廣竣武額俟下屆取進六年

三次續查捐輸銀兩奉

旨暫廣文武學額各十名光緒元年奉

恩詔加廣文童學額七名一次  
書籍 舊志所載部頒書籍兵後無存同治間崇文局應頒

所刻書備紀於左

聖諭廣訓

御纂周易折衷

欽定書經傳說彙纂

欽定詩經傳說彙纂

欽定春秋傳說彙纂

欽定三禮義疏

易經

禮記集說

春秋左氏傳

四書

杜注春秋左傳

書經蔡傳

周禮鄭注

公羊傳

孝經

宋本儀禮

詩經集傳

儀禮鄭注

穀梁傳

爾雅

張皋文儀禮圖

鄭注禮記

經典釋文

國語

說文義證

國策

史記

明鑑

胡刻文選

讀書分年日程

朱子小學

近思錄

做心錄

康濟錄

實政錄

五種遺規

手札撮要

庸吏庸言

讀律心得

佐治藥言

學治臆說

學治續說

雙節堂庸訓

救荒輯要

救荒補遺

捕蝗要訣

樂舞錄

湖北節義錄

醫宗備要

請雨經

學田 舊志黃州府學學田坐落白虎寺楊家畝鄢家山白

雲山蔡家潭山北山等處明知府盧濬為府縣兩學置田三

區歲久沒於民嘉靖間知府張嘉孚查復楊家畝田隆慶中

知府孫光祖增置又籍沒陶仲文家共得田五百畝為府縣

兩學公田後專屬府學按府學田不應載縣志因田兼涉縣學故仍舊錄之明知縣茅

瑞徵查隱糧戴玉戶下田二十畝零二分歸縣學崇禎十四

年流賊亂知縣李希沆濬東門濠掘廢寫表生蔣氏屯田二

十畝賊退蔣氏求田因以戴玉田償之自是縣學遂無田

國朝順治初巡按顧豹文價買鄉民夏文甫田三十五畝充縣

學田坐落東弦鄉夏家土名學田塆坐西向東左至尹田右至房嘴後抵姜姓地脊前至湖

岸基屋四圍俱係花地大塘一額載民米一石麥糧八斗康熙十九年庠生呂德芝等

照田議課呈請立案豐歲納穀三十八石分給在籍貧生六

十一年原佃夏甯國夏象臣吞蝕其半知縣鍾葦追還事詳

明倫堂碑記今賦役全書所載院册與此稍異又國學生王封岷捐送奔港

田一十畝每年佃民納租一十四石除完正賦外散給貧生

兩處田畝均有侵蝕乾隆三十二年奉文將已經報部之額

內學田十二畝納租十二石折銀六兩分給貧生額外學租

八石折銀四兩留充河東書院膏火之用舊志按收發支銷有同治八年底

册可稽內府縣學禮生五名每名歲給薪水錢十串共錢五十串文

義學田共課一百八十九石二斗康熙五十九年知縣鍾葦

勸捐闔邑紳士優免銀四百五十四兩五錢八分買田六區

坐落王伏六中圍田課九十四石二斗承民米一石四斗四

合蔡家衝色茅衝羊角衝三處共田課三十五石承民米七

斗熊家衝田課三十石承民米六斗五升麥二升五合迴龍

山殷家灣田課三十石承民米五斗四升原係縣學田雍正

三年知府蔣國祥撥供義學館俸又祝家湖一莊田六石四

升零係康熙五十八年清出程元仁開墾田入官為義學田

坐落水鄉租無定額以上二項田雍正二年知府蔣國祥委

府學教授清查田畝其租穀銀兩除完饒米外餘為延師膏

火之資乾隆九年知府禹殿鼈屬知縣管理

鋪租附縣學西南圍牆外同治十二年修置鋪面二所租錢

議定每一所有考年分租錢三十六串無考年分租錢二十

串東南角牆內有沈姓鋪屋一進二重光緒五年置每年無

論有考無考租錢二十串以上租錢均歸歲修之用又西南

角圍牆內舊有課程廳地基光緒間改修鋪面並添修鋪屋

三間租錢歸兩學收存備科歲考辦公之用其餘行香祭祀

等項章程有學牒清摺存案

書院

河東書院在縣治東南宋乾道間郡守李訖初建二程祠寶祐間郡守李節因祠室增建書院舊在郡城中後移今處

國朝雍正間知府王繹會建為黃中書院乾隆九年知府禹殿

鼇倡率州縣捐修復今名二十三年知府錢鋈知縣劉煜陳

文樞相繼籌修靖道謨記南宋太守李公訖於郡城建二程

舊志所載朱子河東書院記蓋祠也其河東書院則宋太守

前無考國朝雍正間太守宛平王公因年久廢宅建為黃

中書院嗣太守汜水禹公則以先儒之教若此其遠地若此

其近冀紹餘光崇道統正脈易黃中復名河東祀二程子講

堂後王公時書院以郡學租百金充膏火生徒畧具禹公捐

養廉倡州縣詳府以下每百金捐五兩入屬生徒至數十人

其後州縣各立書院太守李公詳請郡書院以為黃岡縣書

院於時他州縣不復捐膏火之資生徒罕至乾隆二十二年

八月太守虞山錢公下車慨然謂官以教化為職且附郭縣

事即郡守事與岡邑劉公議捐養廉倡二十三年八月費未

具向租百金及公與劉公倡捐備什器脩脯聘山長考取各

州縣生童得二百人時書院各州縣院試補諸生至數十餘

紳士捐銀二千兩未艾有續捐者定為式每月給生童膏火

銀各有差他州縣生童來膏火令各該屬捐給是附郭書院

即郡書院也陳公離任又自捐置書部若干榻案椅櫃各若

千公與陳公固江蘇名宿公時至書院或與陳公同至書院

召諸生集階下講論終日不倦至性至情見於事傳於口足

動聽者心陳公與公一德一心相與有成詩云豈弟君子遐

不作人公與陳公有焉公治事與士民圖久遠前在撫甯斷

州皆建書院人才鵲起稱盛黃郡書院以其近仰止程子故

公尤兢 道光二十八年知府郝宿藻知縣俞昌烈擴修 郝宿

藻云 黃州有書院曰河東郡之生皆集焉予守是邦與諸生校課

其中喜其才穎者甚多乃獎而進之顧見院舍久不治傾陔

是慮將謀所以新之者已而黃岡令俞君昌烈謁予則曰繕

治業有緒矣自講堂至齋舍皆塗墍之益增宏敞稱精廬焉

俞君敏於政無廢不與此其一端也役竣請予記其事於石

子惟治莫尚於教教莫先於士士者才所從出守令者佐國

其散處而獨學無授業講貫之地也於是立書院以聚之置

養根本勿專課以文藝勿動之以祿利仿胡安定教士之法  
 分經藝與治事歲月漸漬以考其成不患無體用貶備之學  
 出應當世之求况茲郡才俊甲三楚巍科騰仕後先相望若  
 宏之以德器擴之以才用規模遠大然後出而應務上者可  
 以贊訃謨任股肱次亦可以效職分猷有濟於事者有補於  
 民者人才盛則勳績茂此育之於其根本者也豈止裨一郡  
 一邑之治而已哉嘉俞君此舉能廣教以助治子亦咸豐初  
 深有念於育才之本也書此應俞君且以勵諸生焉  
 知府楊福祺勸修三年兵燬同治七年知府英啟率屬捐建  
 光緒五年冬講堂災知府英啟督率修復並增號舍規制一  
 新

書籍 舊志知縣陳文樞原捐書籍十六部前藩憲飭發書

籍二十七部知府吳之勳捐置書籍六十部兵燹無存

經費 乾隆二年知府王繹曾以郡學租百金充膏火九年

知府禹殿鼇歸併康熙五十八九等年雍正二二三等年勸捐

置買並清出各田永充經費十九年知府李瑛撥歸於縣二

十三年知府錢鋆知縣劉煜陳文樞相繼勸輸闔邑捐銀二

千兩交典每年生息銀三百六十兩遇閏加增三十年三十二年撥入府縣學

田租餘銀共四千兩三錢四分七釐資助膏火嘉慶二十二

年邑職員范紳貢生許傳魯諸生劉懋梅共捐銀三千兩知

府吳之勳以銀一千兩增修院舍補置書籍以銀二千兩由

縣交典生息知縣陳若疇挪用僅還銀六百兩道光元年署

知縣郎錦駿勸諭王姓捐銀一千兩一併交典生息以上節錄舊志

咸豐初知府楊福祺山長劉定裕率勸麻城梅姓捐銀五千

兩除修葺用存銀二千五百兩亦發典生息經兵燹後各項

無存 原置下伍鄉王伏六田四石六斗三升每年納早穀

五十五石五斗六升還和鄉迴龍山田一石五斗每年納早

穀三十石冷水井田一石五斗每年納中遲穀十八石募義



鄉祝家湖田五石二斗每年納中遲穀三十石芭茅衝田一石七斗五升每年納中遲穀二十五石永甯鄉黃岡廟籽粒

田十四石照籽粒扣算每年納租穀七石乾隆五十三年邑

士游豐城捐中和鄉汪山嘴田四斗五升每年納早穀三石

以上舊志所載田課兵燹後均改收折銀細帳存經管處又乾隆三十二年奉文撥歸

黃州衛軍丁許載萬王佑珍與江夏縣生員鄭如璫互爭不

明新淤洲地溝界西北一帶稀蘆四頃三畝泥灘二頃二畝

白沙五頃四十畝承課銀一十四兩八錢七分八釐六毫名曰官洲招佃納租

每年租錢一百二十串文嘉慶三年武舉錢俊等控佃隱淤

匿熟知縣張其章勘出成熟地畝增課銀七兩一錢九釐五毫加租錢六

十串十七年官洲逐漸崩坍其淤生又有軍丁許鏡堂等與

原佃王家弼等控爭知縣鄭家屏勘明原佃成熟存地六頃

六十五畝零減租二十串文又隔江新淤白沙十頃九畝零

二十年訟案知府吳之勳查明淤生久經書院承完增課銀

兩斷歸書院暫不增課俟大丈年分陞科另招佃民具認每

年納租銀三百兩舊洲地至道光六年知縣陸炯履勘除崩

坍僅存地七十四畝減至每年止納租錢五十二串五百文

以上舊志同治七年杜祚烈京控杜祚緒等侵佔新官洲淤地光

緒元年經武昌府訊結飭縣勘丈定界丈得上段洲地五百

三十六弓永歸書院管轄中段至洲尾六百一十七弓斷歸

杜祚烈等管業後有淤生詳見部文該業戶不得覬覦咸豐十年

知縣薛元啟將職員李邦英與生員陶鵬翥控爭窰步湖內

故絕湖分八股之一歲納八十租錢八串文資助膏火同治

七年知府英啟首倡歲捐廉銀二百五十兩歷任知縣歲捐

廉銀四百五十兩合銀七百兩以三百兩爲山長脩脯以四百兩爲生童膏火邑紳劉維楨捐修費銀一千兩外并捐銀二千兩資助膏火知縣恆琛發交戶經銀總承領對年壹分陸釐起息共銀三百二十兩遇閏加息限二三四五月以前全繳由縣解府備發如有典商開買仍提歸典生息或另置產業亦任提本所有各項章程知府英啟釐定有案

振英書院在清源門內本知府李彥瑄祠乾隆九年知府禹殿鼇改爲書院訓蒙童取給義學田租不敷者酌捐之後仍爲李公祠久廢

東坡書院在城東今縣儒學故址舊傳卽宋蘇軾雪堂地及去以田宅畀潘大臨後陳慥講學遂爲書院明初改爲縣學僉事沈靖移建文忠祠於洗墨池後知縣茅瑞徵重建正廳增後亭及旁舍爲書院久廢

王公書院一名正宗會館在城隅明邑紳王陞重修講學其中久廢

定惠書院在清淮門外相傳亦東坡故居也明崇禎初知府祝萬齡集士於此迪以正學久廢

陽明書院在安國寺左卽宋韓琦讀書處有明董其昌書韓魏公書院額久廢

睢陽書院卽武節祠後廢康熙五十八年知縣鍾葦建延王道明等講學其中一時負笈者衆久廢

觀善書院在衛墩子下原名養正書院乾隆十四年衛守備商裔捐建倡勸紳士輸置屯產納租爲義學延師以教附近軍民子弟無力讀書者多所成就後漸懈弛道光二年守備

王裕慶添建齋房三楹二十三年知府徐上鏞更今名久廢  
問津書院在縣北九十里孔子河府志作孔子山元龍仁夫講學處

舊有

先師廟在今廟右百步外元末燬明正德間知縣胡潔構亭立石  
隆慶初知府孫光祖重建邑儒郭慶吳良吉與黃安耿定向  
定力復講學於此蕭繼忠始與王陞糾同志移建今處顏今  
名一時生徒稱盛明季兵燬

國朝康熙六年邑人鄒互初操之盛諸人後先修建祠垣講堂  
規制宏敞中奉

至聖先師像西爲仲子祠東爲先儒祠祭品祭田畢備士子肄業  
其中每春秋季月望日致祭先期於地方官鄉宦中請主鬯  
陪鬯各一員祭後越二日會課由主鬯命題衡文獎賞有差

邑人王掄士著問津書院志乾隆八年改東西爲兩廡東祀  
仲子及沮溺西祀朱子及先儒建學舍藏書館館側有從先  
堂殿西有文昌閣前有奎星樓十九年重脩

聖殿二十三年修講堂知縣陳文樞記厥後修葺詳書院志道光  
七年舉人胡玉森增貢錢履和生員胡華潤於耦耕堂後捐  
建理事齋一所七間禮科給事中麻城袁銑記 書院舊有  
田係明萬曆末年諸生王家錫等呈請知府王世德以造塔  
銀置烽火山畝田三十四畝五分徐衝田五畝院前田十畝  
獵山凹馬背衝田二十三畝共七十二畝五分又推官許士  
奇捐置夏畝田一百畝罰張姓人官鄗山田一百畝共二百  
畝通計二百七十二畝五分查實田二百五十六畝七分

國朝康熙中知府許錫齡知縣劉澤浦捐置蓮花汶田三十八

畝又王仁長捐院對門上衝六畝鄒江遐捐烽火山畝田三畝操袞弟兄捐院後路側田四畝王泚仁弟兄捐錫王莊王線衝田十畝共二十三畝又價置院前及對門山旁並大路三處共一十六畝夏畝田二次共十二畝七分通計一百二十七畝七分查實田一百二十七畝六分嘉慶七年邑議敘鹽提舉王宗華捐曹家大屋田七十畝九年價置松林岡田十畝道光二十四年價置莊屋墾田八畝五分二十五年候選縣丞洪恩澤監生蕭正福生員錢莆田公捐張家墩田十五畝一分合前明其實田四百七十七畝九分以充祭修之費地界詳本書院志公舉紳士輪管道光二十年邑紳萬承宗張履恆重修院志舊志咸豐八年邑人王子松捐金雞山楊林港印子塋田四石二斗載民米二石一斗歲納租課院屋

一百二石莊屋一所獨塘四口又官塘一口四股之一泥水

同乾本莊山場樹木場滾地園墻溝及隙地挖山等項俱全為供奉香燈之費同治十二年麻邑亭川鄉胡能猷捐新洲

東華家畝田共一石八斗載民米七斗九升二合每歲納課

二十八石六斗以助祭費明鄒元標南泉問津書院記聖人

遊憩處猶切羹牆人心不死夫子萬古如生也問津書院自宋元來代有祠久而祀明雖修祠而湫隘不稱頃彭公侍御昆弟大參孫公輩入而舉祀事四顧愀然曰此非可以安吾夫子之靈謀新之拙於力以告郡太守王公遂捐俸為之倡嗣是郡伯李公及司理邑侯佐之待御黃公伯仲適在里與諸同志捐金佐之成後為殿祀先聖中為堂前為門右祠祀仲子左祠祀有功茲士諸有道鄉先生顏曰問津書院歲時祀罷羣諸搢紳及弟子切於斯甚盛舉也走使問記吉水鄒子鄒子半生泛浪墮落迷津不知凡幾而何能有所發明以復諸君子惟是思夫子覺時之心甚切問津之意隱而不發而長沮以夫子為知津乃再問桀溺溺以避人避世為言夫人在蓋載中乾父坤母民胞物與故曰仁者人也天下甯有子立之聖賢哉夫既無子立之聖賢窮而親師取友以明斯道達而濟濟師師以公此道皆吾儒分內事此彭黃諸

君子之重輿斯地而皆以竟吾夫子津津覺世之意也諸君  
至此其思我夫子當時與子路依依棲棲不得行其志於天  
下一師一弟周旋不舍乃託之乎沮溺窮而無聊之情可悲  
也又思一片榛莽地今蔚為文明之場指紳結轍吾夫子精  
神如聚一堂可幸也聚而問問而思思而知津途不遠舉足  
便是諸君子開茲堂與之意不孤矣昔魯哀公問夫子對舉國  
莫衆而迷今寡人與羣臣慮之而國愈亂何也夫子對舉國  
盡黨季氏與之同辭是國為一人君雖盡問境內猶不免  
亂也夫問一也哀公問而愈迷夫知而不迷莫迷於魯莫  
迷於天下可知也楚之津知天下之津可知長沮猶澗溪之  
水儘足自潔夫子如海濱以藏疾為曠以含垢為大以九圍  
共濁弁識歸涯為壑余嘗謂長沮接輿荷蕢者深知夫子一  
以鳳稱一以有心歎一以知津許長沮之二水縈迴書臺墨  
池顏港車坡遺跡爛然在望先是耿恭簡公每至輒徘徊不  
忍去欲有所創不果久埋荒霧中一旦濯而新之非王公及  
彭黃諸君子為政誰復能識其大而開來學哉 國朝王輔  
問津書院祭田碑記甚矣哉聖道之大而德以萬世功以萬  
世矣春秋時孔子以布衣章帶之士周旋齊陳宋衛之間悵  
東周之不復悲大道之不容楚有長沮築溺者石隱高蹈付  
理亂於不聞亦接輿荷蕢流耳孔子過之而使子路問津亦  
偶然之遭也乃曠世相感者恍然見一聖一賢徘徊道左民  
以大學之道教天下茫乎不知其畔岸而非遠也浩乎不知

其涯淡而非深也由格致誠正為始進之功而極之天下國  
家以廣其量積漸以基之循序而進之納天下於道德仁義  
之域譬之行萬里者明乎東西南北之道審乎山川險易之  
塗雖大山峻谷不能為之阻日行數十里可計日到也自周  
道衰而孔子沒微言絕而大義乖其高談異論清淨寂滅之  
說中於人心而流為風俗即有一二好學深思之士欲求明  
聖人之道其孰從而問之猶之撤津梁焚舟筏隔津以求徒  
涉吾知其不能也書院以問津為名殆欲使黃之士子朝夕  
切磋而致有迷津之嘆乎余拜瞻殿宇輒低回留之而不  
忍去如見夫子於車塵馬跡之間而益切羹牆之慕亦不自  
知其何心矣爰撥銀若干兩以奉春秋祭盛焉至於祠之興  
廢與夫建造之規模有明吉水鄒先生記之詳矣余可以無  
述也是為記 呂德芝問津書院記論語記子路問津記其  
事也未言其地 呂德芝問津書院記論語記子路問津記其  
問津其在葉在蔡亦未有定地也正義注曰黃城山下即問  
津處而黃城仍未詳何處考陸應陽廣輿纂則云黃城山在  
葉縣一名黃柏山係子路問津處又何以稱焉夫葉之為楚地  
楚志則曰問津歌鳳俱在黃岡又何以稱焉夫葉之為楚地  
昭昭也以前黃岡之即為葉其何據乎或曰楚之滅黃在魯僖  
公十二年以前此楚無所謂葉也後此天下亦無所謂黃豈楚  
併黃之後即其地改名為葉也抑沈諸梁食采之時黃已在  
其疆內也乎皆未可知也今則實指在黃岡縣北九十里地  
曰孔子山孔子河耦耕處問津處且立廟建書院焉豈自古  
迄今歷千百年遂無博雅之士能考核其是非者耶即曰聖

人之遺蹟人樂援之以為邦域重何葉縣之廟祀古蹟不一  
援之而獨見於黃岡也則問津之在黃岡亦若有據至書  
院之設始於元之龍仁夫成於明之蕭康侯建止殿廡買置  
祭田春秋兩祀一遵典禮而鄉之人士無遠近講藝課業於  
其中規約井然長幼有序彬彬乎禮樂衣裳地也後此吾黃  
之士日得仰其溫良恭儉之容思其文行忠信之教鼓其進  
德修業之氣惕其出王游衍之心則志於道而謹弟子之  
率者問津者也望道而趨不惑於他歧不移於道而謹弟子之  
可也由此而及門由此而升堂而入室其託足之始基也  
出必從以明經飭行之士吏民榮之風俗大變韓延壽守頰  
川好古修教興治學宮鄉射讀法盛揖讓登降之儀合諸生  
皮弁俎豆以正民間冠婚禮制郡以治蓋文教者循吏之  
首務也黃岡詩禮地何遠不如此道者與穎川况問津之設尤助  
學宮之不可復起耶至其地之在黃岡兩存焉可知也漢文  
治之不可復起耶至其地之在黃岡兩存焉可知也漢文  
文樞重修問津書院記余來楚時聞黃州之北有問津書院  
欲往觀之未暇也去年冬來治斯邑因事北行九十里雲皋  
繡壤夾岸參差古木交柯懸峯絕磴清流之滌泗橫出其下  
渡河而登則巍然殿閣丹堊新成間書聲洽洽乎若近若遠  
則講堂也於是進諸生而問之曰歲在甲戌 聖廟告成又  
五年講堂始備前此兩廡之改建則乾隆八年 癸酉歲也且  
聞諸古言唐以前有於此建廟立學者元末 永新觀復龍公  
晚年隱居設教於山下明嘉靖間耿氏楚峒門人所謂天臺

先生也與其弟子健復於此講學齊名其舊址距今廟右百  
步天臺以地狹欲遷而未屬其徒蕭康侯久之與王晉五  
孫心易彭尚寶方心字諸人告於郡守守以下皆助之遂移  
建山上顏曰問津以康侯為師其守令載名宦志內於時四  
方賢達往來講學無虛日有慕學者行數百里又為廣屋舍  
而受之學三十年間名儒接踵砥節好修能為文章之士濟  
濟成風名遂大盛又十餘年有王海伯振舊院於兵燹瓦礫  
之餘而時當我 朝定鼎人交肇起於是鄒公邃操右恆王  
梁思鄭澗思王汝載諸人同力修飾而書院又盛諸生為余  
言且屬之記也如此夫自宋迄今五百餘年之間其葺而修  
之者屢更矣豈地之盛衰相循各有其時耶抑其興之者在  
人得良有司倡之而今乃復盛耶是時郡伯錢公方修河東  
書院勸學興士而其風遂達於鄉曲而好學者不自私已又  
各能勤其所學蓋郁然又加盛矣昔唐杜牧之守黃州立廟  
祀先聖興學校宋孟寶玉亦於此立廟設學比屋千間以  
待游士古今人大抵同情恐余材之未足濟也然吾聞津  
之說矣酈道元曰相望河南北層山峭舉多石室焉室中若有  
積卷矣而世罕有津逮者新論曰道象之妙非言不津津言  
之妙非學不傳蓋問津亦復難也則今之多士輻湊遠望  
之者余望之矣是為記

淋山書院在淋山河明義民孫子華建久廢

白石書院在還和鄉乾隆元年監生方可發募建道光十一年職員范鈺妻樊氏捐置白虎寺蔡家衝田每年收課四十石零以作祭費舊志十五年生員秦立五周昇職員黃宗潞補修咸豐間兵燹職員高士元補葺光緒三年監生杜壽歧職員樊賡颺文童范霖補修從前經管厯置祭田共六石四斗七升五合收租一百四十一石一斗連樊氏捐田共收課一百六十二石三斗邱落詳碑記

院引黃岡還和鄉有白虎寺釋氏生長西域去中國大聖人遠目不睹溫良恭儉讓之容耳不聞仁義禮智君臣父子夫婦昆弟朋友之教故迷溺於歧途而不知而中國之人亦或從而信之至變其服棄其家滅其天親而不顧是可哀也是可懼也寺僧捏吾夫子像作聽彼講經狀特欲借夫子為重以盡惑愚民邀布施利耳而其無忌憚則甚矣且使觀者謂夫子大聖尚傾心嚮佛吾儕鈍根敢有貳志如是幾何不令天下盡化為異類哉余門人進士程生後濂上舍方生可發家近於寺見之髮指爰議募諸紳士捐金錢別建書院於鄉移安 聖像於院異時所塑

聽講狀則令匠氏改飾德儀請於學憲蔣公可之而屬士商一言以為捐者勸士商老未聞道所言何足迴瀾然忝備員學校不言滋戾是用亟呼印須我友顧或以仍前塑像為疑竊考明太祖甫定天下命天下崇祀孔子於學不許雜祀釋老宮後張孚敬因議易 聖像以木主蓋慎之至也而徐存齋則曰苟像有傳流何必輒廢欽惟我 世宗憲皇帝重新闕里廟 聖像所執玉皆頒自大內固不與凡學宮一例議撤先儒龍麟洲倡道邑之儼然即之也溫恍如親侍杏壇以像祀士商嘗往拜謁望之儼然即之也溫恍如親侍杏壇焉則像設亦未為無助茲二生之所言麟洲之遺蹟亦復昭制不憚勞 國家曠典而於存齋之所言麟洲之遺蹟亦復昭制者雖居位有尊卑行行道有顯晦而細釋乎仁義禮智君臣父子夫婦昆弟朋友之教因以思溫良恭儉讓之容大遠於釋氏之跣跣而摩頂相率捐金錢以襄厥成是心理之所同然而邪慝之所由熄也其又奚吝士商且此俟廟宇告成藉得瓣香親謁如問津書院故事以志嚮往焉

坪江書院在團風鎮康熙五十二年邑士錢光時陳雪洲倡

眾捐建乾隆四年知縣吳英捐置郭襄若民房附書院以作

義學後毀於水道光十八年知縣范興榮捐廉同本鎮士民

移建今處舊志咸豐三年兵燬光緒二年舉人嚴旭募修

白雲書院在但店鎮道光二十六年副貢何憲葵生員易兆

禮舒騫舒鳳翎監生熊世任方錫蘭江芝席等置陳家河田

課十餘石以為經費光緒四年監生易良材舒良玉鄧顯潤

何導泯熊汝霖募建

溫泉書院在永甯鄉三里畝地有溫泉故名乾隆間邑士丁

運盛釀貲修建中設

至聖先師並文昌神位為其鄉會文所初置羅邑田課一十五

石五斗以資經費後漸不敷所用運盛子舉中同邑士史之

松徐玉華復糾同志添置本處烏鉢腦田課五十四石歲以

九月十八日致祭會文舊志咸豐初燬監生丁之元職員史宇

度徐繩武等修復

古邾書院在慕義鄉新洲初建文昌閣康熙三十四年重修

郡守賈鉉顏今名嘉慶二十三年被蛟水傾圮移建河坪知

府吳之勳知縣蔣祖暄巡檢史禮賢倡捐經費並各為記

龍潭書院在新洲道光二十五年公建奉

至聖先師木主每年春秋仲月致祭

停驂書院在土伍重鄉邑士鄧精聆精映丕桐姜之祥劉鵬

南汪濂募建節婦馮劉氏捐田一石二斗由鄧兆麟道庸姜

萬春李文郁經營以餘租逐年生息復置田八石零為祭祀

費

回車書院在沙河方家畝縣北一百三十里與麻城交界乾

隆五十八年邑紳陶國幹以棋山寺供有明儒周旻周景官

山東時奉歸



先師像率黃麻兩邑紳士建書院為殿廡以祀殿左立仲子位右

立朱子位東廡為鄉賢祠西廡為齋宿所邑增生曹翰學士本榮

後裔學優品端兼工詩詞嘗講學於中黃麻兩邑士眾復糾置田畝以供

祭祀鑪鐙邊豆悉具每年以八月二十七日

聖誕致祭麻城知縣李維本邑紳陶國幹程其溶各有記序祀田

共三石八斗三升五合內院前田一石五斗三升計八坵李

家灣田二石五升五合計三十一坵余家灣田二斗五升計

四坵共四十三坵院前地一斗計九塊道光二十一年周旻

周景後裔思元等請將棋山寺田三石六斗移歸書院與鄒

尹二姓構訟知府徐上鏞斷令將祀田及隨田山地歸入書

院邑職員王輔監生王俊捐田一石八斗鄭炳烈捐置周家

堰田一石四斗舊志光緒間麻城貢生傅戩齋捐田九斗六升

監生傅為表捐田二斗三升職員傅為琦為琚捐田二斗四

升武生傅為斌為焯貢生傅為忠童生傅為信學瀾共捐田

三斗七升監生傅為心捐田一斗五升傅學池捐田七升監

生蔡濬典捐田六斗監生程炳烈捐田六斗七升咸豐初粵

賊竄擾邑紳洪良品遷

聖像山岩中得不燬殿宇多所損壞嗣麻城縣知縣黃以慎主營

集貲修復有記

文昌書院在上伍鄉校魚區內邑紳徐駕海超文捐建並置

祭田一石六斗

蔣公書院久廢

國朝陳大章蔣公書院文構紹興詳隴

伏惟我國家重熙累洽久道化成我

皇上更天縱聖明登三咸五故所用公卿及封疆大憲皆一

時英哲次第以及守令莫不茹茹連彙極俊選焉然二千石

之職更係民牧重任而吾黃老祖台蔣公蘿村先生稱尤最

暫而勵精也難於其久而無倦公之始至也念九邑之凋瘵  
思有以休息而長養之故政多寬大惟總其大綱而民陰受  
鳳鸞之福將十年矣而公不以懈也意氣倍增精神倍勇質  
明登堂聽斷旁午退食未幾晚衙又開案無留牘民以不冤  
其勤且明有如此者俸粟之入數有定額向來州邑輸餽陋  
習概革去之飲水茹冰無鹿可瘞其廉有如此者歲水歉民  
艱食公請於藩帑自漢糴米數千鍾來黃減價糶之深冬積  
雪窮簷得有炊煙其惠有如此者嚴關市之譏謹甲伍之法  
沿江上下成樓烽燧無不修飭民暴客無所施其奸而弁  
卒之雜居閭閻者皆安堵奉法其威有如此者科歲童子試  
甄別謹嚴竿牘不敢關入州邑之獄申牘上者反覆詳研出  
人以毫釐辨其慎有如此者修葺學宮光輝輪奐更立義塾  
以教草野子弟其中頗有英俊其崇學興教有如此者其他  
良法美意不可枚舉總下車以迄今日聚全神而貫乎始終  
而更蘭氣迎人飲醕自醉非其性情學問有大過人者歟乃  
忽以註誤解組士民驚愕如失慈母知公之貧也相與攜米  
蔬市薪炭與醢醢酒醢臘魚肉之類叩叩舍而爭餽焉四  
民無論矣乃丐夫乞子亦竭其囊橐獻致恐後自罷官迄今  
數月餘九邑之來餽者無虛晷亦無倦也吁異矣尋奉  
命檢公官資衣被之外藏書萬卷餘無長物時嚴寒公衣裘  
皆入籍緘民貧夜促買緇青木棉襪羔羊袍澤泣以獻公揮  
涕而受衣之一時情境若孝子慈孫奉其父祖於顛沛其誠  
足以格天帝而諒足以泣行路汗青所載未之有也而公已  
用是不朽矣今雖 恩綸召見起用有幾大抵已不復官

黃而有斐不諳相與築室於相隱橋畔畫公像而生祀之類  
曰蘿村棠舍蘿村者公別號也猶云召伯所芟云爾黃之人  
以此為公祝釐地僉伐石而記之益以知 聖朝用人之  
至當循蹟之可紀與天下治安之長久為可樂也是為記

舉水書院在慕義鄉劉家集河坪河水發源柏舉故名道光

間邑士羅錫川姜六汪鍾秀靖之彥厚炳邱振聲姚燦林劉

金柏等醮貲置永興圩對河等處花地二石祀

文昌像為會文所嗣程見灼思孝等捐資補助麻邑吳均和復

捐孫棧埠水田一石一斗七升歲納課二十一石七斗以資

經費咸豐三年兵燬同治七年羅承烈靖鵬路程炎劉洪九

約羅永鷹靖本哲邱斌汪鴻為等勸脩

義學 附

新義學在南門外陶家巷口景聖堂左右為順治間邑士楊

允楨姜士泰讀書處康熙三十一年士泰因得

至聖像建堂後圯道光十年知縣李錦源捐錢一百串葺而新之並置堂前民房以爲義學邑邵國弼等捐錢五十串生息以爲經費久廢

小學在府城隍廟右七賢祠久廢

官義學在賀家坳牛車河金雞坳七道河三里畷李婆墩六處各設一館光緒六年捐廉創設每館延師一人學徒以二十八名爲率月訂束脩錢四串朔望日館師各詣就近集鎮宣講

聖諭廣訓講解易犯律義並勸善書前一日各處地保預備几案茶

水伺應月給錢一串均按季由署送交監理紳士分給議有章程

育德堂義學原在東弦鄉龍泉寺側後移還和鄉新店職員

劉鳴南捐於家灣田七斗丁家灣田五斗

多善堂義學在還和鄉監生朱兆楷捐田二石七斗五升屋二間並山場隙地菜園

葆醕堂義學 安雅堂義學在還和鄉竹陂寺州同朱兆芝捐田四石二升

植本堂義學在還和鄉學堂灣生員朱炳南捐田一石四斗六升

培心堂義學在陽邏司署右側貢生雷霆算學生胡敬之職員雷時楷貢生程廷綸周殿珊監生盧瑞和李廷瑞文童陶士瀛捐金倡修光緒元年呈請立案

陶家義塾邑士陶國友置洪家蓬田三石三斗一升

孫家義塾邑士孫世榮捐建並置田二石

青藜義塾在東弦鄉光緒元年邑紳劉維楨置田二十石歲收穀四百石為經蒙兩館延師及從學子弟經費續捐古樓園田一石八斗一升二合五勺納課三十三石一斗二升郭家義學在庶安鄉光緒間職員郭錦鴻捐田一石

各館 附

賓賢館在縣岡議敘鹽提舉王宗華捐建並捐置田畝為邑人科舉費立案勒碑道光二十六年捐職都司張炳南貢生張潔衛千總張致清捐錢一千串助之外捐一千串為童生卷價咸豐間館為賊燬錢款無存田畝案據亦失前任知縣恆琛移學令拔貢杜承勳附貢黃啟焜勸明牌樓灣田十一担歲收租穀二百一十六担燕窩地田四担五斗五合租穀九十担一斗曹家大屋田三担五斗租穀七十八担七斗五

升孟家大屋田四担五斗租穀九十八担七斗五升新陳灣田一担五斗租穀三十一担五斗呂王城田二担七斗五升租穀五十二担八斗六升潘莊田三担五斗租穀七十担共田三十一担二斗五升五合每年計收租穀六百三十七担九斗六升 內撥潘莊田三担五斗租穀七十担歸河東書院送府縣學為聖誕祭費 實課五百六十七担九斗六升定有章程又提督劉維楨捐賓興錢二千串童試卷費錢五千串發典生息一竝立案

賓賢館記賓賢館者黃岡王子宗華兄弟等捐置映田數百畝而總其所入以資邑人科舉之費者也成周盛時鄉大夫三年大比攷其德行道藝與其賢者能者以禮賓之乃獻賢能之書於王後世鄉舉之法蓋出於此其升諸司徒也日俊士今之舉人似之其升諸學也日選士則今副榜貢生似之至於大樂正論造士之秀以告於王而升諸司馬日進士則

而今之名不異於古焉然以予考之周禮其載取士之制綦詳而士舉於鄉入於成均者其行李往來饗餼既廩之資顧未之及意其時士農不分力皆足以自贍而朝廷之優卹闕黨之俸助均可不事與自漢以來孝廉之舉例皆隨上計吏赴

京師而其時貢禹就徵博士至賣田百畝以供車馬又其甚者負笈從官之徒入閭里之內乞食為資若北齊書儒林傳所載固有懷材負異而困於資斧不能贏糧而景從者可勝慨哉國朝定制舉人會試京師遠省既得馳驛而近省亦有長夫銀兩所以體恤而資藉之者甚詳而有法矣鄉試則其地稍近厥費差省國家治體固有不容徧為施者非獨其力有所不能給也黃岡號稱人文淵藪弟子員多至數百人其間以讀書應舉至於家計中落若貢少翁者時有之若其家本素貧館穀以為生而終歲所入盡取以供一舉之費事竣而歸枵然無有即如北齊書所云而歎一飽之無時悔儒冠之貽誤有道君子所為之盡然心傷者然則宗華兄弟等之為是役其有補於邑之人士固非淺淺者矣宗華等居縣東之呂陽里弟兄皆友愛其行義也孜孜如不及凡縣屬之橋梁道路諸所得為者累費至二萬金有奇聿成其先贈君如海之志邑人士以其事白之大吏大吏具以上聞得旨褒嘉並許自行建坊而錫以樂善好施字龍鸞綽楔照耀鄉閭已又介萬子三峯乞余為文以記之勒石於館以告來者其出入條貫田畝坐落並列於碑陰云

黃岡會館在京師南城東草廠二條衚衕路西明少師陶仲文捐置為邑人士就試候選之所

國朝屢經修建正館三重上重四楹中奉

武聖像左捐主像右土神像左右各一室左山牆外一室東面大

樁中重為客廳左右各一室左山牆外一室門在後簷西面廳階左牆為月形達大門大門一間迤南三間為看館門丁住房正館南為南苑後基視正館羸向止小屋東西各數間半坍塌嘉慶戊寅折建上廳一重中明間左右兩室山牆外北過道通前後往來南過道為圍所廳前左右廊房各三間道光二年復建房五間是為南館兩館界北北牆抵邵武館南牆抵蔡人屋前抵街心後抵本館圍牆牆外西北有大椿一株舊館後為新館係嘉慶二十一年以京錢一千五百串買陳心穀瓦房一所坐東向西前抵東草廠頭條衚衕路東後抵舊館圍牆南北以本屋山牆為界前門面三間一大門走道後正廳三大間左右廂房四間遊廊四間共十五間正

廳前簷南開門與南院後院通新舊契五紙

陳心穀賣屋新契一嘉慶四年

王清源賣陳契一乾隆五十九年趙志賣王契一乾隆五十九年閻朝材賣趙契一乾隆四十九年李景壽賣閻契一

嘉慶二十二年七月有高陞者冒控提督府圖佔此屋發大

興縣審明歸本館紹業完案各契紙歸輪管館事人執掌新

舊兩館經費俱本邑城鄉人士捐資

以上舊志

嘉慶七年同知王

宗華捐銀五百兩二十年少宰李鈞簡中翰張履恆知縣汪

兆柯勸捐千餘金道光二年中翰奚先凱以存積餘資先後

增修未幾積水傾圯刑部郎中胡美彥捐銀五十兩德州知

州汪封渭捐銀三百兩保定同知曾世儀捐銀一百兩漢州

知州劉遐亮捐銀一百四十兩清江通判李振堃捐銀四十

兩衛守備劉定國捐銀一百二十兩南昌守備胡治朝捐銀

三十兩衛千總張兆澤捐銀二十兩赤城知縣王思引捐銀

七十兩道光十八年擴脩二十九年胡美彥記十一年旌

表節孝范樊氏捐田十一石零歲納租二百四十七石零載

民米五石九斗零內除撥穀十五石作節孝祠祭費外實穀

二百三十二石歸每科新榜前二名經管每屆會試接到京

人數分給舉人林王等具稟有案約存經管同治十二年邑

紳劉維楨捐銀一千兩作為脩費均勒石於壁

鄉飲酒禮

附

每歲以正月望日十月朔日於明倫堂行禮以正官為主位

東南以致仕官員為大賓位西北二人為僕賓位東北以次

長為介賓位西南以賓之次者為眾賓位於賓主介僕之後

以教官為司正以老成生員贊禮前一日陳設坐次司正率

執事習禮次日黎明宰牲具饌主人率僚屬司正先至遣人

速客客至出迎於庠門外三揖三讓升堂拜跪訖就位司正  
 至堂中北向立賓主皆立皆揖執事酌酒於觶以授司正司  
 正舉觶曰恭維

朝廷率由舊章敦崇禮教舉行鄉飲非為飲食凡我長幼各相  
 勸勉為臣盡忠為子盡孝長幼有序兄友弟恭內睦宗親外  
 和鄉里無或廢墜以忝所生讀畢司正飲酒畢以觶授執事  
 者舉律令之案於堂中賓主皆拱立讀者詣案北面讀曰  
 大誥鄉飲酒禮序長幼論賢良別姦頑其坐席間高年有德  
 者居上高年醕篤者並之以次序齒而列其有違條犯法者  
 不許干與善良之席違者罪以違制敢有誼譁失禮者揚觶  
 者以禮責之讀畢復位執事者舉饌案至客前主人獻賓薦  
 脯醢設折俎賓酬主人亦如之獻僕介僕介酬亦如之訖工

入升歌鼓瑟歌鹿鳴飲酒供湯工歌四牡飲酒供湯工歌皇  
 皇者華飲酒供湯笙入奏南陔白華華黍工歌魚麗笙由庚  
 歌南有嘉魚笙崇邱歌南山有臺笙由儀於是合樂奏關雎  
 鵲巢又奏葛覃采芣又奏卷耳采蘋每詩止歌首章飲訖乃  
 徹饌賓主兩拜訖又僕賓介賓眾賓拜訖送賓三揖出庠門  
 而退

鄉飲酒禮圖

大

象

介

西階

東階

御製補笙詩樂譜

南陔三章

正月太族商立宮  
調 簫譜尺字調

倍無射變主調

笙譜合字

十月應鍾清羽立宮  
字調 簫譜四字調

林鍾清變主調

笙譜尺

我逝南陔言陟其岵昔我行役瞻望有父欲養無由風木何  
補 我逝南陔言陟其岵今我行役瞻望有母母也倚廬歸  
則甯止 南陔有筍籜實包之孱孱孩提孰喚咻之慎爾溫  
清潔爾旨肴今爾不養日月其悵

白華四章

有白者華不污纖塵咨爾士兮宜脩其身不脩其身乃貽羞  
於二人 有白者華婉茲靜好咨爾女兮宜脩婦道不脩婦  
道乃貽羞於二老 白華匪玉涅而不緇白華匪蘭芬乃勝  
之我擷白華載詠載思 白華匪玉質玉之令白華匪蘭臭  
蘭之淨我擷白華載思載詠

華黍三章

瞻彼阪田厥黍始華胠足胠手嗟嗟我農夫 瞻彼阪田黍  
華以秀胠手胠足惟勤斯殖茂 華有不秀矣秀有不實矣  
其雨其雨矣杲杲日出矣怒予愁之恤矣

由庚四章

由庚便便東西朔南六符調燮八風節宣 由庚容容朔南  
西東惟敬與勤百王道同 由庚廓廓東西南朔先憂而憂  
後樂而樂 由庚恢恢南朔東西皇極孰建惟德之依

崇邱三章

澗松童童蛙黽鄰兮邱草萋萋蕩青雲兮凡百君子慎乃託  
身兮 澗松童童澗則卑兮邱草萋萋邱則崎兮凡百君子  
慎乃所依兮 有崇者邱物無不遂有倬者道愚無不智資  
生育德永植無替



由儀三章

在上曰天在下曰地君君臣臣父父子子 在下曰地在上

曰天父父子子君君臣臣 由其儀矣物則熙矣儀其由矣

物則休矣

鄉約附

例載凡直省府州縣鄉村巨堡設立講約處所揀選老成者

一人以為約正再擇樸實謹守者三四人以為直月每月朔

望齊集耆老人等宣讀

聖諭廣訓及

欽定律條務令明白講解家喻戶曉該州縣教官仍不時巡行宣讀

